

কাজী নজরুল ইসলাম

অগ্নিবীণা

অগ্নিবীণা

প্রলয়োল্লাস। সাত ॥ বিদ্রোহী। এগারো ॥ রক্তাধর-ধারিণী মা। আঠার ॥  
আগমনী। বিশ ॥ ধূমকেতু। ছাব্বিশ ॥ কামাল পাশা। বত্রিশ ॥ আনোয়ার। চুয়াল্লিশ  
॥ রণ-ভেরী। উনপঞ্চাশ ॥ শাহ-ইল-আরব। তিগ্লান ॥ খেয়াপারের তরণী। পঞ্চান্ন  
॥ কোরবানী। সাতান্ন ॥ মহনুরম। একষষ্টি ॥

## প্রলয়োদ্ভাস

তোরা সব জয়ধ্বনি কর!

তোরা সব জয়ধ্বনি কর!!

ঐ নৃতনের কেতন ওড়ে কাল-বোশেখীর ঝড়।

তোরা সব জয়ধ্বনি কর!

তোরা সব জয়ধ্বনি কর!!

# bi

আসছে এবার অনাগত প্রলয়-নেশার নৃত্য-পাগল,

সিঁদু-পারের সিংহ-দ্বারে ধমক হেনে ভাঙল আগল!

মৃত্যু-গহন অঙ্ককূপে

মহাকালের চও-রূপে—

বজ্র-শিখার মশাল জ্বলে আসছে ভয়ঙ্কর!

ওরে ঐ হাসছে ভয়ঙ্কর!

তোরা সব জয়ধ্বনি কর!

তোরা সব জয়ধ্বনি কর!!

ঝামর ভাহার কেশের দোলায় ঝাপটা মেরে গগন দুলায়,  
সর্বনাশী জ্বালা-মুখী ধূমকেতু তার চামর চুলায়!

বিশ্বপাতার বক্ষ-কোলে  
রক্ত ভাহার কৃপাণ ঝোলে  
দোদুল দোলে!

অট্টরোলের হট্টগোলে স্তব্ধ চরাচর—  
ওরে ঐ স্তব্ধ চরাচর!  
তোরা সব জয়ধ্বনি কর!  
তোরা সব জয়ধ্বনি কর!!

দ্বাদশ রবির বর্হি-জ্বালা ভয়াল ভাহার নয়ন-কটায়,  
দিগন্তরের কাঁদন লুটায় পিঙ্গল তার ত্রস্ত জটায়!  
বিন্দু তাহার নয়ন-জলে  
সগু মহাসিন্ধু দোলে  
কপোল-তলে!

বিশ্ব-মায়ের আসন তারি বিপুল বাহুর 'পর—  
হাঁকে ঐ “জয় প্রলয়ঙ্কর!”  
তোরা সব জয়ধ্বনি কর!  
তোরা সব জয়ধ্বনি কর!!

মাভৈঃ মাভৈঃ! জগৎ জুড়ে প্রলয় এবার ঘনিয়ে আসে!  
জরায়-মরা মুর্খদের প্রাণ-লুকানো ঐ বিনাশে!  
এবার মহা-নিশার শেষে  
আসবে উষা অরুণ হেসে  
করণ বেশে!

দিগন্তরের জটায় লুটায় শিশু চাঁদের কর,

আলো তার ভরবে এবার ঘর!  
তোরা সব জয়ধ্বনি কর!  
তোরা সব জয়ধ্বনি কর!!

ঐ সে মহাকাল সারথি রক্ত-তড়িত চাবুক হানে,  
রণিয়ে ওঠে হেয়ার কাঁদন বজ্র-গানে ঝড় তুফানে!  
ক্ষুরের দাপট তারায় লেগে উন্মত্তা ছুটায় নীল খিলানে!  
গগন-তলের নীল খিলানে।

অন্ধ কারার বন্ধ কূপে  
দেবতা বাঁধা যজ্ঞ-যুগে  
পাষণ-স্তুপে!

এই তো রে তার আসার সময় ঐ রথ-ঘর্ষর—  
তোরা সব জয়ধ্বনি কর!  
তোরা সব জয়ধ্বনি কর!!

ধ্বংস দেখে ভয় কেন তোর?—প্রলয় নূতন সৃজন-বেদন!  
আসছে নবীন-জীবন-হারা অসুন্দরে কর্ত্তে ছেদন!

ভাই সে এমন কেশে বেশে  
প্রলয় ঝিয়েও আসছে হেসে—  
মধুর হেসে!

ভেঙে আবার গ'ড়তে জানে সে চির-সুন্দর!!  
তোরা সব জয়ধ্বনি কর!  
তোরা সব জয়ধ্বনি কর!!

ঐ ভাঙা-গড়া খেলা যে তার কিসের তবে ডর?

তোরা সব জয়ধ্বনি কর!

বধূরা প্রদীপ তুলে ধর!

কাল ভয়ঙ্করের বেশে এবার ঐ আসে সুন্দর।—

তোরা সব জয়ধ্বনি কর!

তোরা সব জয়ধ্বনি কর!!

bi

বিদ্রোহী

বল বীর—

বল উন্নত মম শির!

শির নেহারি আমারি নত শির ওই শিখর হিমাদ্রির

বল বীর—

বল মহাবিশ্বের মহাকাশ ফাড়ি!

চন্দ্র সূর্য্য গ্রহ তারা ছাড়ি!

ভুলোক দুলোক গোলক ভেদিয়া

খোদার আসন 'আরশ' ছেদিয়া,

উঠিয়াছি চির-বিশ্বয় আমি বিশ্ব-বিধাতীর!

মম ললাটে রুদ্র ভগবান জলে রাজ-রাজ টীকা দীপ জয়শ্রীর!

বল বীর—

আমি চির-উন্নত শির!

আমি চিরদুর্দম, দুর্কিবনীত, নৃশংস,

মহা-প্রলয়ের আমি নটরাজ, আমি সাইক্লোন, আমি ধ্বংস,

আমি মহাভয়, আমি অভিশাপ পৃথ্বীর,

আমি দুর্বার,

আমি ভেঙে করি সব চুরমার!

আমি অনিয়ম উচ্ছ্বল,

আমি দলে যাই যত বন্ধন, যত নিয়ম কানুন শৃঙ্খল!

আমি মানিনাকো কোন আইন,

আমি ভরা-ভরী করি ভরা-ডুবি, আমি টর্পেডো, আমি ভীম ভাসমান মাইন!

আমি ধূঙ্কটি, আমি এলোকেশে ঝড় অকাল-বৈশাখীর!

আমি বিদ্রোহী, আমি বিদ্রোহী-সুত বিশ্ব-বিধাতীর!

বল বীর—

চির- উন্নত মম শির!

আমি ঝঞ্ঝা, আমি ঘূর্ণি,

আমি পথ-সন্মুখে যাহা পাই যাই চূর্ণি।

আমি নৃত্য-পাগল ছন্দ,

আমি আপনার তালে নেচে যাই, আমি মুক্ত জীবনানন্দ,

আমি হাধীর, আমি ছায়ানট, আমি হিন্দোল,

আমি চল-চঞ্চল, ঠমকি-ছমকি'

পথে যেতে যেতে চকিতে চমকি'

ফিং দিয়া দিই তিন দোল!

আমি চপলা-চপল হিন্দোল।

আমি তাই করি ভাই যখন চাহে এ মন যা',

করি শত্রুর সাথে গলাগলি, ধরি মৃত্যুর সাথে পাঞ্জা,

আমি উনাদ আমি ঝঞ্ঝা!

আমি মহামারী আমি ভীতি এ ধরিতীর!

আমি শাসন-ত্রাসন, সংহার, আমি উষ্ণ চির-অধীর।

বল বীর—

আমি চির-উন্নত শির!

আমি চির-দুবন্ত দুর্ন্দম,

আমি দুর্ন্দম, মম প্রাণের পেয়ালা হর্দম্ হায়্ হর্দম্ ভরপুর-মদ।

আমি হোম-শিখা, আমি সাগ্নিক জমদগ্নি,

আমি যজ্ঞ, আমি পুরোহিত, আমি অগ্নি।

আমি সৃষ্টি, আমি ধ্বংস, আমি লোকালয়, আমি শাশান,

আমি অবসান, নিশাবসান।

আমি ইন্দ্রাবী-সুত হাতে চাঁদ ভালে সূর্য্য,

মম এক হাতে বাঁকা বাঁশের বাঁশরী আর হাতে রণ-ভূর্য্য।

আমি কৃষ্ণ-কণ্ঠ, মস্থন-বিষ পিরা ব্যাথা-বারিধির!

আমি ব্যোমকেশ, ধরি বন্ধন-হার্য্য ধারা গঙ্গোত্রীর

বল বীর—

চির- উন্নত মম শির!

আমি সন্ন্যাসী, সুর-সৈনিক,

আমি যুবরাজ, মম রাজবেশ :ান গৈরিক!

আমি বেদুঈন, আমি চেঙ্গিস,

আমি আপনারে ছাড়া করি না কাহারে কুর্শিশ!

আজি বজ্র, ঈশান-বিষাণে ওঙ্কার,

আমি ইস্রাফিলের শিক্ষার মহা-সুন্দার,

আমি পিনাকপাণির ডমকু ত্রিশূল, ধর্মরাজের দণ্ড,

আমি চক্র মহাশঙ্খ, আমি প্রণব-নাদ প্রচণ্ড!

আমি স্ক্যাপা দুর্বারো, বিশ্বামিত্র-শিষ্য,

আমি দাবানল-দাহ, দাহন করিব বিশ্ব!

আমি প্রাণ-খোলা হাসিউল্লাস,—আমি সৃষ্টি-বৈরী মহাত্মাস,  
 আমি মহা-প্রলয়ের দ্বাদশ রবির রাহু-গ্রাস!  
 আমি কভু প্রশান্ত,—কভু অশান্ত দারুণ স্বেচ্ছাচারী,  
 আমি অরুণ খুনের তুরুণ, আমি বিধির দর্পহারী!  
 আমি প্রভঞ্জনের উল্লাস, আমি বারিধির মহাকল্লোল,  
 আমি উজ্জ্বল, আমি প্রোজ্জ্বল,  
 আমি উচ্ছল জল-ছল-ছল, চল-ঊর্ধ্বির হিন্দোল-দোল!—

আমি বন্ধন-হারা কুমারীর বেণী, তব্বী-নয়নে বহি,  
 আমি ষোড়শীর হৃদি-সরসিজ প্রেম উদ্দাম, আমি ধনি!  
 আমি উন্মন-মন উদাসীর,  
 আমি বিধবার বুক্রে ক্রুদ্ধন-শ্বাস, হা-হতাশ-আমি হতাশীর।  
 আমি বঞ্জিত ব্যথা পথবাসী চির-গৃহহারা যত পথিকের,  
 আমি অবমানিতের মরম-বেদনা, বিষ-জ্বালা, প্রিয়-স্বাস্থিত বুক্রে গতি ফের।  
 আমি অভিমাত্রী চির-ক্ষুর হিয়ার কাতরতা, ব্যথা সুনিবিড়,  
 চিত্ত-চূষন-চোর-কম্পন আমি থর-থর-থর প্রথম পরশ কুমারীর।  
 আমি গোপন-পিয়র চকিত চাহনী ছল ক'রে দেখা অনুখন,  
 আমি চপল মেয়ের ভালোবাসা, তার কাঁকন-চুড়ির কন-কন।  
 আমি চির-শিশু, চির-কিশোর,  
 আমি যৌবন-ভীতু পল্লীবালার আঁচর কাঁচলি নিচোর।  
 আমি উত্তর-বায়ু মলয়-অনিল উদাস পূরবী হাওয়া,  
 আমি পথিক-কবির গভীর রাগিনী, বেণু-বীণে-গান গাওয়া।  
 আমি আকুল নিদাঘ-তিয়াসা, আমি রৌদ্র-রুদ্ধ রবি,  
 আমি মরু-নির্বর বর-ব্বর, আমি শ্যামলিমা ছায়া-ছবি।

আমি তুরীয়ানন্দে ছুটে চলি এ কি উন্মাদ, আমি উন্মাদ!  
 আমি সহসা আমারে চিনেছি, আমার খুলিয়া গিয়াছে সব বাঁধ!  
 আমি উত্থান, আমি পতন, আমি অচেতন-চিত্তে চেতন,  
 আমি বিশ্ব-তোরণে বৈজয়ন্তী, মানব-বিজয়-কেতন।  
 ছুটি ঝড়ের মতন করতালি দিয়া  
 স্বর্ণ মর্ত্য করতলে,  
 তাজি বোররাক্ আর উচ্চেস্রবা বাহন আমার  
 হিম্মত-হেয়া হৈকে চলে!  
 আমি বসুধা-বক্ষে আগ্নেয়াস্ত্রি' বাড়ব-বহি, কালানল,  
 আমি পাতালে মাতাল অগ্নি-পাথর কলরোল কল কোলাহল!  
 আমি তড়িতে চড়িয়া উড়ে চলি জোর তুড়ি দিয়া, দিয়া লক্ষ,  
 আমি ত্রাস সঙ্করি ভুবনে সহসা সঙ্করি' ভূমিকম্প।  
 ধরি বাসুকির ফণা জাপটি'—  
 ধরি স্বর্গীয় দূত জিব্রাইলের আঙনের পাখা সাপটি!  
 আমি দেব-শিশু, আমি চঞ্চল,  
 আমি ধূট, আমি দাঁত দিয়া ছিড়ি বিশ্বমায়ের প্রঞ্চল!  
 আমি অফিয়াসের বাশরী,  
 মহা-সিন্ধু উতলা ঘুম-ঘুম  
 ঘুম চুমু দিয়ে করে নিখিল বিশ্বে নিব্বাঝুম  
 মম বাশরীর তানে পাশারি'!  
 আমি শ্যামের হাতে বাশরী।  
 বোররাক্—পঞ্জীরাজ। তাজি—মোড়া।

আমি 'কবে উঠি' যবে ছুটি মহাকাশ ছাপিয়া,  
ভয়ে সগু নরক হাবিয়া দোজখ নিভে নিভে যায় কাঁপিয়া!  
আমি বিদ্রোহী-বাহী নিখিল অখিল ব্যাপিয়া!

আমি শ্রাবণ-প্রাবণ বন্যা,  
কভু ধরণীরে করি বরণীয়া; কভু বিপুল ধ্বংস-ধন্যা—  
আমি ছিনিয়া আনিব বিশ্ব-বক্ষ হইতে যুগল কন্যা!  
আমি অন্যায়, আমি উদ্ধা, আমি শনি,  
আমি ধুমকেতু-জ্বালা, বিষধর কাল-ফণী!  
আমি জিন্মত্তা চণ্ডী, আমি রণদা সর্বনাশী,  
আমি জাহান্নামের আগুনে রসিয়া হাসি পুষ্পের হাসি!

আমি মন্যায়, আমি চিন্যায়,  
আমি অজর অমর অক্ষয়, আমি অব্যয়!  
আমি মানব দানব দেবতার ভয়,  
বিশ্বের আমি চির-দুর্জয়,  
জগদীশ্বর-ঈশ্বর আমি পুরুষোত্তম সত্য,  
আমি তাখিয়া, তাখিয়া মখিয়া ফিরি এ স্বর্গ পাতাল মর্ত্য!  
আমি উন্মাদ, আমি উন্মাদ!!  
আমি চিনেছি আমারে, আজিকে আমার খুলিয়া গিয়াছে সব বাধ!!—

আমি পরশুরামের কঠোর কুঠার,  
নিঃক্ষত্রিয় করিব বিশ্ব, আনিব শান্তি শান্ত উদার!  
আমি হল বলরাম-কক্ষে,  
আমি উপাড়ি' ফেলিব অধীন বিশ্ব অবহেলে নব সৃষ্টির মহানন্দে।

হাবিয়া দোজখ—সপ্তম নরক, এই নরকই ভীষণতম।

মহা বিদ্রোহী রণ-ক্রান্ত  
আমি সেই দিন হব শান্ত,  
যবে উৎপীড়িতের ক্রন্দন-রোল আকাশে বাতাসে ধ্বনিবে না,  
অত্যাচারীর খড়্গ কৃপাণ ভীম রণ-ভূমে রণিবে না—  
বিদ্রোহী রণ-ক্রান্ত।  
আমি সেই দিন হব শান্ত।

আমি বিদ্রোহী ভৃগু, ভগবান-বুকে একে দিই পদ-চিহ্ন!  
আমি স্রষ্টা-সৃদন, শোক-ভাপ-হানা খেয়ালী বিধির বক্ষ করিব ভিন্ন!  
আমি বিদ্রোহী ভৃগু, ভগবান-বুকে একে দেবো পদ-চিহ্ন!  
আমি খেয়ালী বিধির বক্ষ করিব ভিন্ন!

আমি চির-বিদ্রোহী বীর—  
আমি বিশ্ব ছাড়ায়ে উঠিয়াছি একা চির উন্নত-শির!

## রক্তাম্বর-ধারিণী মা

রক্তাম্বর পর মা এবার

জ্বলে পুড়ে যাক শ্বেত বসন।

দেখি ঐ করে সাজে মা কেমন

বাজে তরবারি বনন বন।

সিঁথির সিঁদুর মুছে ফেল মা গো,

জ্বাল সেথা জ্বাল কাল-চিতা।

তোমার খড়্গা-রক্ত হউক

স্রষ্টার বুকে লাল ফিতা।

এলোকেশে তব দুন্দুক বাঁধা

কাল-বৈশাখী ভীম তুফান,

চরণ-আঘাতে উদ্গারে যেন

আহত বিশ্ব রক্ত-বান।

নিঃশ্বাসে তব পেঁজা-তুলো সম

উড়ে যাক মা গো এই ভুবন,

অসুরে নাশিতে হউক বিষ্ণু-

চক্র মা তোর হেম কাঁকন।

টুটি টিপে মারো অত্যচারে মা,

গল-হার হোক নীল ফাঁসি,

নয়নে তোমার ধূমকেতু-জ্বালা

উঠুক সরোষে উদ্ভাসি।

হাস খল খল, দাঁও করতালি,

বল হর হর শঙ্কর!

আজ হ'তে মা গো অসহায় সম

ক্ষীণ ক্রন্দন সম্বর।

মেখলা ছিড়িয়া চাবুক কর মা,

সে চাবুক কর নভ-তড়িৎ,

জালিমের বুক বেয়ে খুন ঝ'রে

লালে লাল হোক শ্বেত হরিৎ।

নিদ্ৰিত শিবে লাগি মার আজ,

ভাঙো মা ভোলার ভাঙ-মেশা,

পিয়াও এবার অ-শিব গরল

নীলের সঙ্গে লাল-মেশা।

দেখা মা আবার দনুজ-দলমী

অশিব-নাশিনী চণ্ডী-রূপ;

দেখাও মা ঐ কল্যাণ করই

আনিতে পারে কি বিনাশ-স্বপ্ন।

শ্বেত শতদল-বাসিনী নয় আজ

রক্তাম্বর-ধারিণী মা,

ধ্বংসের বুকে হাসুক মা তোর

সৃষ্টির নব পূর্ণিমা।



## আগমনী

একি রণ-বাজা বাজে ঘন ঘন—

ঝান রণরণ রণ ঝানঝান!

সেকি দমকি' দমকি'

ধমকি' ধমকি'

দামা-দ্রিমি-দ্রিমি গমকি' গমকি'

ওঠে চোটে চোটে,

ছোটে লোটে ফোটে!

বহি-ফিনিকি চমকি' চমকি'

ঢাল-তলোয়ারে ঝনঝন!

একি রণ-বাজা বাজে ঘন ঘন

রণ ঝানঝান ঝন রণরণ!

হৈ হৈ রব

ঐ ভৈরব

হাঁকে, লাখে লাখে

ঝাঁকে ঝাঁকে ঝাঁকে

লাল গৈরিক-গায় সৈনিক ধায় তালে তালে

ওই পালে পালে,

ধরা কাঁপে দাপে

জাঁকে মহাকাল কাঁপে ধর থর!

রণে কড়কড় কাড়া-খাঁড়া-ঘাত,

শির পিষে হাঁকে রথ-ঘূর্ণর-ধ্বনি ঘরঘর।

গুরগর' বোলে ভেরী তুরী,

“হর হর হর”

করি' চিৎকার ছোটে সুরাসুর-সেনা হন-হন!

ওঠে ঝঞ্ঝা ঝাপটি' দাপটি' সাপটি'

হু-হু হু-হু হু-হু শন-শন!

ছোটে সুরাসুর-সেনা হন-হন!

ভাতা থৈথৈ তাতা থৈথৈ খল-খল-খল-খল-খল,

নাচে রণ-রঙ্গিনী রঙ্গিনী সাথে,

ধ্বকধ্বক জ্বলে জ্বল জ্বল!

বুকে মুখে চোখে রোস-হতাশন!

রোশ্ কথা শোন!

ঐ ভবরু-ঢোলে ডিমিডিমি বোলে,

ব্যোম মরণ স-অম্বর দোলে,

ঘম-বরণ কী কল-কল্লোলে চলে উত্তরোলে

ধ্বংসে মাতিয়া, ভাথিয়া, তাথিয়া

নাচিয়া রঙ্গে! চরণ ভঙ্গে'

সৃষ্টি সে টলে টলমল!

ওকি বিজয়-ধ্বনি সিদ্ধ গরজে কল-কল কল কল-কল!  
 ওঠে কোলাহল  
 কুট হলাহল  
 ছোট্টে মন্থনে পুনঃ রক্ত-উদধি  
 ফেনা-বিষ করে গল-গল!  
 টলে নির্বিকার সে বিধাত্রীরো গো  
 সিংহ-আসন টলমল!  
 কার আকাশ-জোড়া ও আয়ত নয়ানে  
 করুণা-অশ্রু ছলছল!

বাজে মৃত সুরাসুর-পাঁজরে ঝাঁঝর বম্ বম,  
 নাচে ধূর্জটি সাথে প্রমথ ববয় বম্ বম!  
 লাল লালে লাল ওড়ে ঈশানে নিশান যুদ্ধের,  
 ওঠে ওঙ্কার রণ-ডঙ্কার,  
 নাদে ওম্ ওম্ মহাশঙ্খ-বিষাণ রুদ্ধের!  
 ছোট্টে রক্ত-ফোয়ারা বহির বান রে!  
 কোটি বীর প্রাণ  
 ক্ষণে নির্বাণ  
 তবু শত সূর্যের জ্বালাময় রোষ  
 গমকে শিরায় গমগম!  
 ভয়ে রক্ত-পাগল শ্বেত-গিশাচেরও  
 শির-দাঁড়া করে চন্-চন্!  
 যত ডাকিনী যোগিনী বিশ্বয়াহতা,  
 নিশীথিনী ডয়ে ধম্ধম্  
 বাজে মৃত সুরাসুর পাঁজরে ঝাঁঝর বম্ বম্!

ঐ অসুর-পত্নর মিথ্যা দৈত্য-সেনা যত  
 হত আহত করে রে দেবতা সভ্য!  
 বর্গ, মর্ত্য, পাতাল, মাতাল রক্ত-সুরায়;  
 জন্তু বিধাতা,  
 মন্তু পাগল পিণাক-পাণি স-ত্রিশূল প্রলয়-হস্ত ঘুরায়!  
 কিণ্ড সবাই রক্ত-সুরায়!

চিতার উপরে চিতা সারি সারি,  
 চারি পাশে তাবি  
 ডাকে কুকুর গৃধিনী শৃগাল!  
 প্রলয়-দোলায় দুলিছে ত্রিকাল!  
 প্রলয়-দোলায় দুলিছে ত্রিকাল!!

রণ-রসিনী জগৎমাতার দেখ মহারণ,  
 দশ দিকে তাঁর দশ হাতে বাজে দশ প্রহরণ।  
 পদতলে লুটে মহিষাসুর,

মহামাতা ঐ সিংহ-বাহিনী ভানায় আজিকে বিশ্ববাসীকে-  
 শাস্ত নহে দানব-শক্তি, পায় পিষে যায় শির পত্নর!

'নাই দানব  
 নাই অসুর-  
 চাই নে সুর,  
 চাই মানব!'-

বরাভয়-বাণী ঐ রে কা'র  
 তনি নাহে হৈ রৈ এবার!

ওই রে ওই  
ছোট রে ছোট!  
শান্ত মন,  
স্বস্তি রণ!—

খোল তোরণ,  
চল বরণ  
করবো মা'য়,  
ডুববো কায়?  
ধরবো পা'য় কার সে আর  
বিশ্ব-মা'ই পার্শে যার?

আজ আকাশ-ডোবানো নেহারি তাহারি চাওয়া  
ঐ শেফালিকা-ভলে কে বালিকা চলে?  
কেশের গল্প আনিছে আশিন হাওয়া!  
এসেছে রে-সাথে উৎপলাক্ষী চপলা কুমারী কমলা ঐ,  
সরসিজ-নিভ গুত্র বালিকা  
এলো বীণা-পাণি অমলা ঐ!  
এসেছে গণেশ,  
এসেছে মহেশ,  
বাসুরে বাস  
জোর উছাস!!  
এলো সুন্দর সুর-সেনাপতি,  
সব মুখ এ যে চেনা চেনা অতি!  
বাসুরে বাস জোর উছাস!!

হিমালয়! জাগো! ওঠো আজি,  
তব সীমা নয় হোক।  
তুলে যাও শোক-চোখে জল ব'ক,  
শান্তির আজি শান্তি-নিলয় এ আলয় হোক!  
ঘরে ঘরে আজি দীপ জ্বলুক!  
মা'র আবাহন-গীত চলুক!  
দীপ জ্বলুক!  
গীত চলুক।

আজ কাঁপুক মানব-কলকল্পোলে কিশলয় সম নিখিল ব্যোম!  
স্বা-গতম্!  
স্বা-গতম্!!  
মা-ভরম্!  
মা-ভরম্!!  
ঐ ঐ ঐ বিশ্বকর্ষে  
বন্দনা-বাণী লুটে—“বন্দে মাতরম্!!”

আমি যুগে যুগে আসি, আসিয়াছি পুনঃ মহাবিপ্লব হেতু

এই স্রষ্টার শনি মহাকাল ধূমকেতু!

সাত শ'নরক-জ্বালা জ্বলে মম ললাটে!

মম ধূম-কুণ্ডলী ক'রেছে শিবের ত্রিনয়ন ঘন ঘোলাটে!

আমি স্রষ্টার বৃকে সৃষ্টি-পাপের অনুতাপ-তাপ হাহাকার—

আর মর্ত্যে শাহারা-গোবী-ছাপ

আমি অশিব তিস্ত অতিশাপ!

আমি সর্বনাশের ঝাঞ্জা উড়ায়ে বোঁও বোঁও ঘুরি শূন্যে,

আমি বিষ-ধূম-বাণ হানি একা ঘিরে ভগবান অভিমুখে।

শৌণ্ড শন-নন-নন শন-নন-নন শাই শাই,

ঘুর পাক খাই, ধাই পাই পাই

মন পুচ্ছে জড়ায়ে সৃষ্টি;

করি উচ্চা-অশনি-বৃষ্টি,—

আমি একটা বিশ্ব গ্রাসিয়াছি, পারি গ্রাসিতে এখনো ত্রিশটি।

আমি অপঘাত দুর্ভেব রে আমি সৃষ্টির অনাসৃষ্টি!

আমি আপনার বিষ-জ্বালা মদ-পিয়া মোচড় খাইয়া

জোর বৃন্দ হ'য়ে আমি চ'লেছি ধাইয়া ভাইয়া!

গুনি মম বিষাক্ত, 'বিরিবিরি'-নাদ

শোনায় ধিরেক-গুঞ্জন সম বিশ্ব-ঘোরার প্রণব-নিলাদ!

মম ধূমকেতু-শিখ করাল-পুচ্ছে

দশ অবতারে বেঁধে ঝাঁটা ক'রে ঘুরাই উচ্ছে, ঘুরাই—

আমি অগ্নি-কেতন উড়াই!

আমি যুগে যুগে আসি, আসিয়াছি পুনঃ মহাবিপ্লব হেতু

এই স্রষ্টার শনি মহাকাল ধূমকেতু!

ঐ বামন বিধি সে আমারে ধরিতে বাড়িয়েছিল রে হাত

মম অগ্নি-দাহনে জ্ব'লে পুড়ে তাই হুঁটে সে জগন্নাথ!

আমি জানি জানি ঐ স্রষ্টার ফাঁকি, সৃষ্টির ঐ চাতুরী,

তাই বিধি ও নিয়মে লাখি যেরে হুঁকি বিধাতার বৃকে হাতুড়ি,

আমি জানি জানি ঐ ভয়ো ঈশ্বর দিয়ে যা হয়নি হবে তা'ও!

তাই বিপ্লব আনি বিদ্রোহ করি, নেচে নেচে দিই গোফে তা'ও!

তোর নিযুক্ত নরকে হুঁ দিয়ে নিবাই স্তম্ভর মুখে গুথু দি,

আর যে যত রাগে রে তারে তত কাল আগুনের কাতুকুতু দি,

মম ভুরীয় লোকের তির্যক-গতি তূর্য-গাজন বাজায়!

মম বিষ-নিঃখাসে মারীভয় হানে অরাজক যত রাজায়।

কচি শিশু-রসনায় ধানী-লঙ্কার পোড়া ঝাল

আর বন্ধ কারায় গন্ধক ধোঁয়া, এসিড, পঁতাস, মোমছাল,

আর কাঁচা কলিজায় পচা ঘা'র সম সৃষ্টির আমি দাহ করি

আর স্রষ্টারে আমি চুষে খাই!

পেলে বাহান্ন-শও জাহান্নমেও আধা চুমুকে সে গুশে যাই!

আমি যুগে যুগে আসি, আসিয়াছি পুনঃ মহাবিপ্লব হেতু

এই স্রষ্টার শনি মহাকাল ধূমকেতু!

আমি শি শি শি প্রলয়-শিশু দিয়ে ঘুরি কৃতঘ্নী ঐ বিশ্বমাতার শোকাগ্নি

আমি ত্রিত্ববন তার পোড়ায় মারিয়া আমিই করিব মুখাগ্নি!

তাই আমি ঘোর তিক্ত সুখে রে, একপাক ঘুরে বোঁও ক'রে ফের দু'পাক নি,

কৃতঘ্নী আমি কৃতঘ্নী ঐ বিশ্বমাতার শোকাগ্নি!

পঙ্কর মম খর্পরে জ্বলে নিদারুণ যেই বৈশ্বানর,

শোন রে মর, শোন অমর!—

সে যে তোদের ঐ বিশ্বপিভার চিতা!

এ চিতাগ্নিতে জগদীশ্বর পুড়ে ছাই হবে, হে সৃষ্টি জান কি তা?

বল কি? কি বল? ফের বল তাই আমি শয়তান-মিতা!

হো হো ভগবানে আমি পোড়াব বলিয়া জ্বালায়েছি বৃকে চিতা।

ছোট শন শন শন ঘর ঘর ঘর সাঁই সাঁই!

ছোট পাই পাই!

তুই অভিশাপ তুই শয়তান তোর অনন্তকাল পরমাই!

ওরে ভয় নাই তোর মার নাই!!

তুই প্রলয়ঙ্কর ধূমকেতু,

তুই উগ্র ক্ষিপ্র তেজ-মরীচিকা, ন'স অমরার ঘুম-সেতু

তুই ভৈরব ভয় ধূমকেতু!

আমি যুগে যুগে আসি, আসিয়াছি পুনঃ মহাবিপ্লব হেতু

এই স্রষ্টার শনি মহাকাল ধূমকেতু!

ঐ ঈশ্বর-শির উল্লঙ্ঘিতে আমি আগনের সিঁড়ি,

আমি বসিব বলিয়া পেতেছে ভবানী ব্রহ্মার বৃকে পিড়ি!

ক্ষ্যাপা মহেশ্বর বিক্ষিপ্ত পিণাক, দেবরাজ-দম্ভোলি

পোকে বলে বোরে শুনে হাসি আমি আর নাচি বব-বম্ব বলি!

এই শিখায় আমার নিম্নত ত্রিশূল বাতলি বজ্র-ছড়ি

ওরে ছড়ানো র'য়েছে, কত যায় গড়াগড়ি!

মহা সিংহাসনে সে কাঁপিছে বিশ্ব-সম্রাট নিরবধি,

তার ললাটে তপ্ত অভিশাপ-ছাপ একে দিই আমি যদি!

তাই টিটকিরি দিয়ে হাহা হেসে উঠি,

সে হাসি গুমরি লুটায় গড়ে রে তুফান ঝঞ্ঝা সাইক্লোন টুটি'!

আমি বাজাই আকাশে তালি দিয়া 'তাতা-উব্ব-তাক'

আর সোঁও সোঁও ক'রে প্যাচ দিয়ে খাই চিলে-ঘুড়ি সম ঘুরপাক।

মম নিঃশ্বাস আভাসে অগ্নি-গিরির বৃক ফেটে উঠে ঘুৎকার,

আর পুচ্ছে আমার কোটি নাগ-শিশু উপন্যাসে বিষ-ফুৎকার।

কাল- বাঘিনী যেমন ধরিয়া শিকার

তখনি রক্ত শোষে না রে তার,

দৃষ্টি-সীমায় রাখিয়া তাহারে উগ্রচও সুখে

পুচ্ছে সাপটি' খেলা করে আর শিকার মরে সে ধুঁকে!

ভেমনি করিয়া ভগবানে আমি

দৃষ্টি-সীমায় রাখি দিবায়ামী

ঘিরিয়া ঘিরিয়া খেলিতেছি খেলা, হাসি' পিশাচের হাসি

এই অগ্নি-বাঘিনী গ্রামি সে সর্বনাশী!

আজ রক্ত-মাতাল উল্লাসে মাতি রে—

মম পুচ্ছে ঠিকরে দশগুণ ভাতি,

রক্ত রক্ত উল্লাসে মাতি রে!

ভগবান? সে তো হাতের শিকার!—মুখে ফেনা উঠে মরে!

ভয়ে কাঁপিছে কখন গড়ি গিয়া তার আহত বৃকের 'পরে।

অথবা যেন রে অসহায় এক শিশুরে ফিরিয়া  
অজগর কাল-কেউটা সে কেনো ফিরিয়া ফিরিয়া  
চায়, আর ঘোরে শন্ শন্ শন্,  
ভয়-বিহ্বল শিশু তার মাঝে কাঁপে রে যেমন—  
তেমনি করিয়া ভগবানে ঘিরে  
ধূমকেতু-কালনাগ অভিশাপ ছুটে চলেছি রে;  
আর সাপে-ঘেরা অসহায় শিশু সম  
বিধাতা জেদের কাঁপিছে রুদ্র ঘূর্ণির মাঝে মম!  
আজিও ব্যথিত সৃষ্টির বুকে ভগবান কাঁপে ত্রাসে,  
স্রষ্টার চেয়ে সৃষ্টি পাছে বা বড় হয়ে তারে গ্রাসে।

bi

## কামাল পাশা

[তখন শরৎ-সন্ধ্যা। আসমানের আঙিনা তখন কারবালা ময়দানের মত খুনখারাবীর রঙে রঙীন। সেদিনকার মহা-আহবে গ্রীক-সৈন্য সম্পূর্ণরূপে বিধ্বস্ত হইয়া গিয়াছে। তাহাদের অধিকাংশ সৈন্যই রণস্থলে হত অবস্থায় রহিয়াছে। বাকী সব প্রাণপণে পৃষ্ঠ প্রদর্শন করিতেছে। তুরস্কের জাতীয় সৈন্যদলের কাণ্ডারী বিশ্বত্রাস মহাবাহু কামাল পাশা মহা হর্ষে রণস্থল হইতে তাম্বুতে ফিরিতেছেন। বিজয়ান্নামু সৈন্যদল মহা কন্ডোলে অম্বর ধরণী কাঁপাইয়া তুলিতেছে। তাহাদের প্রত্যেকের বুকে পিঠে দুইজন করিয়া নিহত বা আহত সৈন্য বাঁধা। যাহারা ফিরিতেছে তাহাদের অঙ্গ-প্রত্যঙ্গ গোলা-গুলির আঘাতে, বেয়নেটের খোচায় ক্ষত-বিক্ষত, পোশাক-পরিচ্ছদ ছিন্ন-ভিন্ন, পা হইতে মাথা পর্যন্ত রক্ত-রঞ্জিত। তাহাদের কিন্তু সেদিকে লক্ষ্যপও নাই। উল্লাম বিজয়ান্নাদনার নেশায় মৃত্যু-কাতর রণক্রান্তি ভুলিয়া গিয়া তাহারা যেন ক্ষেপিয়া উঠিয়াছে। ভাঙ্গা সঙ্গীনের আগায় রক্তক্ষেজ উড়াইয়া, ভাঙ্গা খাটিয়া-আদিদ্বারা-নির্মিত এক অভিনব চৌদোলে কামালকে বসাইয়া বিষম হুল্লা করিতে করিতে তাহারা মার্চ করিতেছে। ভূমিকম্পের সময় সাগর-কন্ডোলের মত তাহাদের বিপুল বিজয়ধ্বনি আকাশে-বাতাসে যেন কেমন একটা ভীতি-কম্পন সৃষ্টি করিতেছে। বহু দূর হইতে সে রণ-তাণ্ডব নৃত্যের ও প্রবল ভেঁরী-তুরীর ঘনরোল শোনা যাইতেছে। অত্যধিক আনন্দে অনেকেরই ঘন ঘন রোমাঞ্চ হইতেছিল। অনেকেরই চোখ দিয়া অশ্রু গড়াইয়া পড়িতেছিল।

সৈন্যবাহিনী দাঁড়াইয়া। হাবিলদার-মেজর তাহাদের মার্চ করাইবার জন্য প্রস্তুত হইতেছিল।  
বিজয়োন্মত্ত সৈন্যগণ গাহিতেছিল,—

ঐ ক্ষেপেছে পাগলী মায়ের দামাল ছেলে কামাল ভাই  
অসুর-পুরে শোর উঠেছে জোরসে সামাল সামাল ভাই!  
কামাল! তু নে কামাল কিয়া ভাই!  
হো হো কামাল! তু নে কামাল কিয়া ভাই!

[হাবিলদার-মেজর মার্চের হুকুম করিল :— কুইক মার্চ!]

লেফট! রাইট! লেফট!!  
লেফট! রাইট! লেফট!!

[সৈন্যগণ গাহিতে গাহিতে মার্চ করিতে লাগিল।]

ঐ ক্ষেপেছে পাগলী মায়ের দামাল ছেলে কামাল ভাই  
অসুর-পুরে শোর উঠেছে জোরসে সামাল সামাল ভাই!  
কামাল তু নে! কামাল কিয়া ভাই!  
হো হো কামাল! তু নে কামাল কিয়া ভাই!

[হাবিলদার-মেজর :— লেফট! রাইট!]

সাবাস্ ভাই! সাবাস্ দিই, সাবাস্ তোয় শম্শেরে!  
পাঠিয়ে দিলি দুশ্মনে সব যম-ঘর একদম-সে রে!  
বলু দেখি ভাই, বলু হাঁ রে,  
দুনিয়ায় কে ডব্ব করে না তুব্কীর তেজ তলোয়ারে?

[লেফট! রাইট! লেফট!]

তু নে-তুহি। শম্শেরে-তরবারিকে। কামাল কিয়া-অভাবনীয় কাও করলে অসম্ভব সম্ভব  
ক'রলে। কামাল মানে কিছ 'পূর্ণ'।

খুব কিয়া ভাই খুব কিয়া!  
বুজ্‌দিল ঐ দুশ্মন সব বিলকুল সাফ হো গিয়া!  
খুব কিয়া ভাই খুব কিয়া,  
হুরুরো হো!  
হুরুরো হো!

দস্যুগুলোয় সামলাতে যে এমনি দামাল কামাল চাই!  
কামাল! তু নে কামাল কিয়া ভাই!  
হো হো কামাল! তু নে কামাল কিয়া ভাই!

[হাবিলদার-মেজর :— সাবাস্ সিপাই! লেফট! রাইট!]

শির হতে এই পাও তক ভাই লাল-লালে-লাল খুন মেখে  
রণ-ভীতুদের শান্তি-বাণী শুনবে কে?

পিগারীদের খুন-রঙীন

নোখ-ভাঙ্গা এই নীল সতীন

তৈয়ার হয় হর্দম ভাই কাড়তে যিগব্ শত্রুদের।

হিংসুক-দল! জোর তুলেছি শোখ্ তোদের!

সাবাস্ জোয়ান! সাবাস্!

ক্ষীণ-জীবী ঐ জীবগুলোকে পায়ের তলেই দাবাস্—

এমনি ক'রে রে—

এমনি জোরে রে—

ক্ষীণ-জীবী ঐ জীবগুলোকে পায়ের তলেই দাবাস্!

ঐ চেয়ে দ্যাখ্ আস্‌মানে আজ রক্ত-রবির আভাস!

সাবাস্ জোয়ান! সাবাস্!!

[লেফট! রাইট! লেফট!]

খুব কিয়া—আচ্ছা করবে। বুজ্‌দিল-ভীক, কাণকুখ। পাও তক্—পা পর্যন্ত। বিলকুল সাফ হো  
গিয়া—একদম পরিষ্কার হ'য়ে গেছে।

তাই

হিংস্বে ঐ জীবগুলো ভাই নাম ডুবালে সৈনিকের,  
তারা আজ নেস্ত-নাবুদ, আমরা মোটেই হই নি জের।  
পরের মুলুক লুট ক'রে খায় ডাকাত তারা ডাকাত!  
তাই তাদের তরে বরাদ্দ ভাই আঘাত শুধু আঘাত!  
কি বল ভাই শ্যাঙাত?

হররো হো!

হররো হো!

দমুজ-দলে দ'লতে দাদা এমনি দামাল কামাল চাই!

কামাল তু নে! কামাল কিয়া ভাই!

হো হো কামাল! তু নে কামাল কিয়া ভাই!

[হাবিলদার-মেজর :- রাইট হইল! লেফট! রাইট! লেফট!

সৈন্যগণ জানদিকে মোড় ফিরিল।

আজাদ মানুষ বন্দী ক'রে অধীন ক'রে স্বাধীন দেশ,  
কুল মুলুকের কুটি ক'রে জোর দেখালে ক'দিন বেশ,  
মোদের হাতে তুর্কী-নাচন নাচলে তাহিন্ তাহিন্ শেষ!

হররো হো!

হররো হো!

বদ-নসিবের বরাদ্দ খারাপ বরাদ্দ তাই ক'রলে কি না আল্লায়,  
পিশাচগুলো প'ড়ল এসে পেছায় এই পাগলাদেরই পাল্লায়!

এই পাগলাদেরই পাল্লায়!

হররো হো!

হররো—

ওদের কল্লা দেখে আল্লা ডরায়, হল্লা শুধু হল্লা,

ওদের হল্লা শুধু হল্লা,

নেস্ত-নাবুদ—ধসে-বিধ্বংস। কুল মুলুক—সমস্ত দেশটা। আজাদ—মুক্ত। জের—পরাজিত। বদ-  
নসিব—দুর্ভাগ্য।

এক মুর্গির জোর পায়ে নেই, ধ'রতে আসেন তুর্কী আজী,

মর্দ গাজী মোস্তা!—

হাঃ হাঃ হাঃ!

হেসে নাড়ীই হেঁড়ে বা!

হা হা হাঃ হাঃ হাঃ!

[হাবিলদার-মেজর :- সাবাস্ সিপাই! লেফট! রাইট! লেফট!

সাবাস্ সিপাই! ফের বল ভাই!

ঐ ফেপেছে পাগলী মায়ের দামাল ছেলে কামাল ভাই,  
অসুর-পুরে শোর উঠেছে জোরসে সামাল সামাল তাই।  
কামাল! তু নে কামাল কিয়া ভাই!  
হো হো কামাল! তু নে কামাল কিয়া ভাই!

[হাবিলদার-মেজর :- লেফট হইল! রায়জয় ওয়ার! রাইট লাইন্স!—  
লেফট! রাইট! লেফট!]

[সৈন্যদের আঁখির সামনে অস্ত্র-রবির আচ্ছায়া রঙের খেলা ভাসিয়া উঠিল।]

দেখ কি দোস্ত অমন ক'রে? হৌ হৌ হৌ!

সত্যি তো ভাই! সকলোটা আজ দেখতে যেন সৈনিকেরই বৌ!

শহীদ সেনার টুকটুকে বৌ লাল-পিরাহাণ-পর্য,

স্বামীর খুনের ছোপ-দেওয়া, তায় ভগডগে আনকোরা!—

না না না,—কল্জে যেন টুকুরো-ক'রে কাটা

হাজার তরুণ শহীদ বীরের,—শিউরে ওঠে পা'টা!

আসমানের ঐ সিং-দরজায় টাঙিয়েছে কোন্ কসাই!

দেখতে পেলে একুপি গ্যা এই ছোরটা কল্জেতে তার বসাই!

মুণ্ডটা তার বসাই!

গোশ্বাতে আর পাই নে ভবে কি যে করি দশাই!

[হাবিলদার-মেজর—সাবাস্ সেপাই! লেফট! রাইট! লেফট!]

আজী—যুদ্ধাখ। পিরাহাণ—পিরায়। গোশ্বা—জোথ।



আহা কচি ভাইরা আমার রে!!  
এমন কাঁচা জানগুলো, খান্ খান্ ক'রেছে কোন্ সে চামার রে?  
আহা কচি ভাইরা আমার রে!!

[সামনে উপত্যকা। হাবিলদার-মেজর- লেফট ফর্শ্ব!]  
সৈন্যবাহিনীর মুখ হঠাৎ বামদিকে ফিরিয়া গেল! হাবিলদার-মেজর :- ফরওয়ার্ড!  
লেখট! রাইট! লেফট!

আসমানের ঐ আঙুরাখা  
খুন-খারাবীর রং মাখা,  
কিং খুবসুরৎ বাঃ রে বা!  
জোর বাজা ভাই কাহারবা!  
হোক না ভাই এ কারবালা ময়দান-  
আমরা যে গাই সাচারই জয়-গান!  
হোক না এ তোর কারবালা ময়দান!!

হররো হো  
হররো-

[সামনে পার্শ্বতা পথ-হঠাৎ খেল পথ ছাড়াইয়া ফেলিয়াছে। হাবিলদার-মেজর পথ  
খুঁজিতে লাগিল। হুকুম দিয়া গেল :- "মার্ক টাইম!" সৈন্যগণ এক ছানেই দাঁড়াইয়া পা  
আছড়াইতে লাগিল-]

দ্রাম্! দ্রাম্! দ্রাম্!  
লেখট! রাইট! লেফট!  
দ্রাম্! দ্রাম্! দ্রাম্!

আসমানে ঐ ভাসমান যে মস্ত দুটো রং-এর তাল,  
একটা নিবিড় নীল-সিয়া আর একটা খুবই গভীর লাল,-  
বুঝলে ভাই! ঐ নীল-সিয়াটা শত্রুদের!  
দেখতে নারে কারুর ভালো,  
তাই তো কালো রক্ত-ধারার বইছে শিরায় স্রোত ওদের।  
খুবসুরৎ-সুন্দর। সিয়া-কৃষ্ণবর্ণ।

হিংস্র ওরা হিংস্র পশুর দল!  
গৃধু ওরা, লুকু-ওদের লক্ষ্য অসুর দল-  
হিংস্র ওরা হিংস্র পশুর দল!  
জালিম ওরা অত্যাচারী!  
সার জেনেছে সত্য যাহা হত্যা তারই!  
জালিম ওরা অত্যাচারী!  
সৈনিকের এই গৈরিকে ডাই-  
জোর অপমান ক'রলে ওরাই,  
তাই তো ওদের মুখ কালো আজ, খুন যেন নীল জাল!-  
ওরা হিংস্র পশুর দল!  
ওরা হিংস্র পশুর দল!!

[হাবিলদার-মেজর পথ খুঁজিয়া ফিরিয়া অর্ডার দিল :- ফরওয়ার্ড! লেফট! হুইল-  
সৈন্যগণ আবার চলিতে লাগিল-লেখট! রাইট! লেফট!]

সাম্রা ছিল সৈন্য-যারা শহীদ হ'ল ম'রে।  
ভোদের মতল পিঠ করে নি প্রাণটা হাতে ক'রে-  
ওরা শহীদ হ'ল ম'রে!  
পিটনী খেয়ে পিঠ যে ভোদের চিট হ'য়েছে! কেমন?  
পৃষ্ঠে ভোদের বর্শা বেঁধা-বীর সে ভোরা এমন!  
মুর্দারা সব যুদ্ধে আসিস! যা যা!  
খুন দেখেছিস বীরের? হা দেখ টুকটকে লাল কেমন গরম তাজা!

[বলিয়াই কটিদেশ হইতে ছোরা খুশিয়া হাতের রক্ত লইয়া দেখাইল]

মুর্দারা সব যা যা!!  
এঁরাই বলেন হবেন রাজা!  
আরে যা যা! উচিত সাম্রা  
তাই দিয়েছে শত্রু ছেলে কামাল ভাই!

[হাবিলদার-মেজর :- সাবাস্ সিপাই!]

জালিম-উৎপীড়ক। মুর্দা-মৃত।

এই তো চাই! এই তো চাই!  
থাকলে স্বাধীন সবাই আছি, নেই তো নাই, নেই তো নাই!  
এই তো চাই!!

[কতকগুলি লোক অশ্রুপূর্ণ নয়নে এই দৃশ্য দেখবার জন্য ছুটিয়া আনিতেছিল, তাহাদের  
দেখিয়া সৈন্যগণ আরও উত্তেজিত হইয়া উঠিল।]

মার দিয়া ভাই মার দিয়া  
দুঃখম্ন সব হার গিয়া!  
কিন্মা ফতে হো গিয়া!  
পরওয়া নেছি, যানে দো ভাই যো গিয়া!  
কিন্মা ফতে হো গিয়া!।

ছরো হো!  
ছরো হো!

[হাবিলদার-মেজর :- সাবাস জোয়ান! লেফট! রাইট!]

জোরসে চলো পা মিলিয়ে,  
পা হেলিয়ে,  
এমনি ক'রে হাত দুলিয়ে!  
দাদরা তালে 'এক দুই তিন' পা মিলিয়ে  
ঢেউ-এর মতন যাই!  
আজ স্বাধীন এ দেশে! বেহেশতও না চাই!  
আর বেহেশতও না চাই!!

[হাবিলদার-মেজর :- সাবাস সিপাই! ফের বল ভাই!]

ঐ ক্ষেপেছে পাগ্গলী মায়ের দামাল ছেলে কামাল ভাই,  
অসুর-পুরে শোর উঠেছে জোরসে সামাল সামাল ভাই!  
কামাল! তু নে কামাল কিয়া ভাই!  
হো হো কামাল! তু নে কামাল কিয়া ভাই!

সৈন্যদল এক নগরের পার্শ্ব দিয়া চলিতে লাগিল। নগর-বাসিনীরা ঝরঝা হইতে মুখ বাড়াইয়া  
এক মহান দৃশ্য দেখিতেছিল; তাহাদের চোখ-মুখ আনন্দশ্রুতে আগ্রত। আজ বধুর মুখের  
বোরাখা খসিয়া পড়িয়াছে। ফুল ছড়াইয়া হাত দুলাইয়া তাহারা বিজয়ী বীরদের অভ্যর্থনা  
করিতেছিল। সৈন্যগণ চীৎকার করিয়া উঠিল।]

ঐ গুনেছিস? ঝরঝাতে সব বলছে ডেকে বৌ-দলে  
“কে বীর তুমি? কে চলেছে চৌদোলে?”

চিনিসু নে কি? এমন বোকা বোনগুলি সব!—কামাল এ যে কামাল!

পাগ্গলী মায়ের দামাল ছেলে! ভাই যে তোদের!

হা না হ'লে কা'র হবে আর রৌশন এমন জামাল?

কামাল এ যে কামাল!!

উড়িয়ে দেবো পুড়িয়ে দেবো ঘর-বাড়ী সব সামাল!

ঘর-বাড়ী সব সামাল!

আজ আমাদের খুন ছুটেছে, হোশ টুটেছে,

ডগমগিয়ে জোশ উঠেছে!

সামনে থেকে পালাও!

শোহরত দাও নওরাত আজ! হরু ঘরে দীপ জ্বালাও!

সামনে থেকে পালাও!

যাও ঘরে দীপ জ্বালাও!!

[হাবিলদার-মেজর- লেফট ফর্ম! লেফট! রাইট! লেফট!— ফরওয়ার্ড!]

[বাহিনীর মুখ হঠাৎ বামদিকে ফিরিয়া গেল। পার্শ্বেই পরিষ্কার সারি। পরিষ্কার-ভর্তি নিহত  
সৈন্যের দল পচিত্তে এবং কতকগুলি অ-সামরিক নগরবাসী তাহা ভিত্তাইয়া চলিতেছে।]

ইস্! দেখেছিস! ঐ কারা ভাই সামনে চলেন পা,

ফ'স্কে মরা আধ-মরাদের মাড়িয়ে ফেলেন বা!

জামাল-রূপ। জোশ-উত্তেজনা। শোহরত-ঘোষণা। নওরাত-উৎসব-সারি।

ও তাই শিউরে ওঠে গা!

হাঃ হাঃ হাঃ!

ম'রলো যে সে ম'রেই গেছে,

বাঁচলো যারা রইলো বেঁচে।

এই তো জানি সোজা হিসাব! দুঃখ কি আর আঃ!

মরায় দেখে ডরায় এরা! ভয় কি মরায়? বাঃ!

হাঃ হাঃ হাঃ হাঃ!

[সম্মুখে সর্দার ভগ্ন সেতু। হাথিশদার-মেজর অর্জার দিল-“ফর্ম্ ইন্টু সিগন্স লাইন।” এক একজন করিয়া বৃকের পিঠের নিহত ভাইদের চাশিয়া ধরিয়া অতি সতর্পণে “প্রো মার্চ” করিয়া পার হইতে লাগিল।]

সত্যি কিছ্র ভাই!

যখন মোদের বক্ষে বাঁধা ভাইগুলির এই মুখের পানে চাই—

কেমন সে এক ব্যথায় তখন প্রাণটা কাঁদে যে সে!

কে যেন দুই বজ্র-হাতে চেপে ধরে কল্‌জোখানা পেখে!

নিজের হাজার ঘায়েল জখম ভুলে তখন ডুকরে কেন কেঁদেও ফেলি শেষে!

কে যেন ভাই কল্‌জোখানা পেখে!!

ঘুমোও পিঠে, ঘুমোও বৃকে, ভাইটি আমার, আহা!

বৃকে যে ভরে হাহাকারে যতই তোরে সাব্বাস্‌ দিই,

যতই বলি বাহা!

লক্ষ্মীমণি ভাইটি আমার, আহা!!

ঘুমোও ঘুমোও মরণ-পারের ভাইটি আমার, আহা!!

অস্ত-পারের দেশ পারায়ে বহুৎ সে দূর তোদের ঘরের রাহা,

ঘুমোও এখন ঘুমোও ঘুমোও ভাইটি ছোট আহা!

মরণ-বধূর লাল রাজা বর! ঘুমো!

আহা, এমন চাঁদমুখে তোর কেউ দিল না চুমো!

হতভাগা রে!

ম'রেও যে ভুই দিয়ে গেলি বহুৎ দাগা রে

না জানি কোন ফুটতে চাওয়া মানুষ-কুঁড়ির হিয়ার!

তরুণ জীবন এমনি গেল, একটি রাত্তও পেলিনে রে বৃকে কোনো প্রিয়ায়!

তরুণ খুনের তরুণ শহীদ! হতভাগা রে!

ম'রেও যে ভুই দিয়ে গেলি বহুৎ দাগা রে!

তাই যত আজ লিখনে-ওয়ালো তোদের মরণ স্মৃতি-সে জোর লেখে

এক লাইনে দশ হাজারের মৃত্যু-কথা! হাসি রকম দেখে!

ম'রলে কুকুর ওদের, শহীদ-গাথার বই লেখে!

খবর বেরোয় সৈনিকে,

আর একটি কথায় দুঃখ জানান, “জোর ম'রেছে দশটা হাজার সৈনিকে!”

আঁখির পাতা ভিজলো কি না কোনো কালো চোখের,

জানলে না হয় এ জীবনে ঐ সে তরুণ দশটি হাজার লোকের!

প'চে মরিস পরিখাতে, মা-বোলোও শুনে বলে “বাহা”!

সৈনিকেরই সত্যিকারের ব্যথার ব্যথা কেউ কি রে নেই? আহা!—

আয় ভাই তোর বৌ এলো ঐ সন্ধ্যা মেয়ে রক্ত-চেলী প'রে,

আঁধার-শাড়ী প'রবে এখন প'শুরে যে তোর গোরের বাসর-ঘরে!—

ভাবস্তে নারি, গোরের মাটি ক'রবে মাটি এ মুখ কেমন ক'রে—

সোনা মাণিক ভাইটি আমার ওরে!

বিনায়-বেলায় আরেকটি বার দিয়ে যা ভাই চুমো!

অনাদরের ভাইটি আমার! মাটির মাঝের কোলে এবার ঘুমো!!

[নিহত সৈন্যদের নামাহিয়া রাখিয়া দিয়া সেতু পার হইয়া আবার জোরে মার্চ করিতে করিতে তাহাদের রক্ত গরম হইয়া উঠিল।]

ঠিক ব'লেছ দোস্ত তুমি!

চোস্ত কথা! আয় দেখি তোর হস্ত চুমি!

মৃত্যু এরা জয় করেছে কান্না কিসের।  
আব-জম-জম আনলে এরা, আপনি পিয়ে কলসী বিষের।  
কে ম'রেছে! কান্না কিসের?  
বেশ করেছে!  
দেশ বাঁচাতে আপনারি জান শেষ করেছে!  
বেশ করেছে!!

শহীদ ওরাই শহীদ।  
বীরের মতন প্রাণ দিয়েছে খুন ওদেরি লোহিত।  
শহীদ ওরাই শহীদ!!

[এইবার তাহাদের তাতু দেখা গেল। মহাবীর আনোয়ার পাশা বহু সৈন্য সামন্ত ও সৈনিকের আত্মীয়-স্বজন লইয়া বিজয়ী বীরদের অভ্যর্থনা করিতে আসিঙেছেন দেখিয়া সৈন্যগণ আনন্দে আত্মহারা হইয়া "ডবল মার্চ" করিতে লাগিল।]

হুরুরো হো!  
হুরুরো হো!

ভাই-বেরাদর পাবাও এখন! দূর রহো! দূর রহো!!  
হুরুরো হো! হুরুরো হো!

[কামাল পাশাকে কোলে লইয়া নাচিতে লাগিল।]

হৌ হৌ হৌ! কামাল জিতা রও!

কামাল জিতা রও!

ও কে আসে! আনোয়ার ভাই?

আনোয়ার ভাই! জানোয়ার সব সাফ!

জোর নাচো ভাই! হৃদয় দাও লাফ!

আজ জানোয়ার সব সাফ!

হুরুরো হো! হুরুরো হো!!

আব-জাম-জম-মন্দাকিনী সুধা। ভাই-বেরাদর-আত্মীয়-স্বজন। জিতা রও-বঁচে থাক।

সবকুচ আব দূর রহো!—হুরুরো হো! হুরুরো হো!!  
রণ জিতে জোর মন মেতেছে!— সালাম সবায় সালাম!—  
নাচনা থামা রে!  
জখমী-ঘায়েল ভাইকে আগে আস্তে নামা রে!  
নাচনা থামা রে!

[আহতদের নামাইতে নামাইতে]

কে ভাই? হাঁ, হাঁ, সালাম!

—এ শোন্ শোন্ সিপাহু-সালাম কামাল ভাই-এর কালাম!

[সেনাপতির অর্ডার আসিল।]

"সাবাস! থামো! হো হো!  
সাবাস! হস্ট! এক! দো!!"

[এক নিমিষে সমস্ত কলরোল নিস্তক হইয়া গেল। তখনো কিন্তু তারায় তারায় যেন ঐ বিভয়-নীতির হারাসুর বাজিয়া বাজিয়া ক্রমে ক্ষীণ হইতে ক্ষীণতর হইয়া মিথিয়া গেল।]

ঐ ক্ষেপেছে পাগলী মায়ের দামাণ ছেলে কামাল ভাই,

অসুর-পুরে শোর উঠেছে জোরসে সামাল সামাল ভাই।

কামাল! তু নে কামাল কিয়া ভাই!

হো হো কামাল! তু নে কামাল কিয়া ভাই!

আব-এখন। সিপাহু-সালাম-প্রধান সেনাপতি। কালাম-হুকুম। জখমী-ঘায়েল-আহত।

## আনোয়ার

[স্থান-প্রহরী-বেষ্টিত অন্ধকার কারাগৃহ-কনস্ট্যান্টিনোপুল।

কাল-অমাবস্যার নিশীথ রাত্রি।]

চারিদিক্ নিস্তরক্ নির্বাক্। সে যৌনা নিশীথিনীকে ব্যথা দিতেছিল শুধু কাফ্রি-সাত্রীর পায়চারীর বিশ্রী খট্ খট্ শব্দ। ঐ জিন্দানখানায় মহাবাহু আনোয়ারের জাতীয়-সৈন্যদলের সহকারী এক ভরুণ সেনানী বন্দী। তাহার কুক্ষিত দীর্ঘ কেশ, জাগর চোখ, সুন্দর গঠন-সমস্ত কিছুতে যেন একটা ব্যথিত বিদ্রোহের তিক্ত ক্রন্দন ছল-ছল করিতেছিল। ভরুণ প্রদীপ্ত মুখমণ্ডলে চিন্তার রেখাপাতে তাহাকে তাহার বয়স অপেক্ষা অনেকটা বেশি বয়স বোধ হইতেছিল।

সেই দিনই ধামা-ধরা সরকারের কোর্টমার্শালের বিচারে নির্ধারিত হইয়া গিয়াছে যে, পরদিন নিশিতোরে ভরুণ সেনানীকে তোপের মুখে উড়াইয়া দেওয়া হইবে।

আজ হতভাগার সেই মুক্তি-নিশীথ, জীবনের সেই শেষরাত্রি। তাহার হাতে, পায়ে, কটিদেশে, গর্দানে উৎপীড়নের লৌহ-শৃঙ্খল। শৃঙ্খল-ভারাতুর ভরুণ সেনানী স্বপ্নে তাহার "মা"কে দেখিতেছিল। সহসা চীৎকার করিয়া সে জাগিয়া উঠিল। তাহার পর চারিদিকে কাতর নয়নে একবার চাহিয়া দেখিল, কোথাও কেহ নাই। শুধু হিমালী-সিক্তবায়ু হা হা স্বরে কাঁদিয়া গেল, "হায় মাতৃহারা!"

স্বদেশবাসীর বিশ্বাসঘাতকতা স্বরণ করিয়া ভরুণ সেনানী ব্যর্থ-রোষে নিজের বামবাহু নিজে দংশন করিয়া ক্ষত-বিক্ষত করিতে লাগিল। কারাগৃহের লৌহশলাকায় তাহার শৃঙ্খলিত দেহভার বারে বারে নিপতিত হইয়া কারাগৃহ কাঁপাইয়া তুলিতেছিল।

এখন তাহার অন্ত-গুরু আনোয়ারকে মনে পড়িল। ভরুণ বন্দী চীৎকার করিয়া উঠিল—"আনোয়ার!"

আনোয়ার! আনোয়ার!

দিলওয়ার তুমি, জোর তলওয়ার হানো আর

নেস্ত-ও-নাবুদ কর, মারো যত জানোয়ার!

আনোয়ার! আফসোস!

বখ্তেরই সাফদোষ,

রক্তেরও নাই ভাই আর সে যে তাপ জোশ,

ভেঙে গেছে শমশের-পড়ে আছে বাপ কোষ!

আনোয়ার! আফসোস!

আনোয়ার! আনোয়ার!

সব যদি সুমসাম, তুমি কেন কাঁদ আর?

দুনিয়াতে মুসলিম, আজ পোষা জানোয়ার!

আনোয়ার! আর না—

দিল কাঁপে কার না?

তলওয়ারে তেজ নাই! তুচ্ছ স্বার্থা

ঐ কাঁপে খরখর মদিনার দার না?

আনোয়ার! আর না!

আনোয়ার! আনোয়ার!

বুকে ফেড়ে আমাদের বলিজটা টানো, আর

খুন কর-খুন কর ভীকৃ যত জানোয়ার!

আনোয়ার! জিজির-

পরা মোরা খিজীর?

শৃঙ্খলে বাজে শোনো রোণা-রিন-বিন্ কির,—

নিবু-নিবু ফোরাবা বফিব ফিনকির!

গর্দানে জিজির!

দিলওয়ার-সাহসী। বখ্ত-অদৃষ্ট। জোশ-উত্তেজনা। সুমসাম-নিঃস্বপ্ন। জিজির-শৃঙ্খল।  
খিজীর-ওকর। রোণা-ক্রন্দন।

আনোয়ার! আনোয়ার!  
দুর্বল এ গিদ্বধড়ে কেন তড়পানো আর?  
জোরওয়ার শের কই?—জোরবার আনোয়ার!

আনোয়ার! মুশকিল  
জাগা কঙ্কশ-দিল,  
ঘিরে আসে দাবানল তবু নাই কুঁশ তিল!  
ভাই আজ শয়তান:জাঁই—এ মারে ঘুষ কিল!  
—আনোয়ার! মুশকিল!

আনোয়ার! আনোয়ার!  
বেইমান মোরা, নাই জান আধ-খানও অরে!  
কোথা বোঁজো মুসলিম?—শুধু বুনো জানোয়ার!  
আনোয়ার! সব শেষ!—  
দেহে খুন অবশেষ!—  
বুটা তেরি তলওয়ার ছিন্ লিয়া যব দেশ  
আওরত সব ছি ছি কন্দন রব পেশ!!  
আনোয়ার! সব শেষ!

আনোয়ার! আনোয়ার!  
জনহীন এ বিয়াবানে মিছে পস্তানো আর!  
আজো যারা বেঁচে আছে তারা ক্ষাপা জানোয়ার!  
আনোয়ার! —কেউ নাই!  
হাতিয়ার? — সেও নাই!  
দরিয়াও ধম্‌ধম্ নাই তাতে চেউ ছাই!  
জিজির গলে আজ বেদুঈন-দে'ও ভাই!  
আনোয়ার! কেউ নাই!

জোরওয়ার—বলবান। শের—বাঘ। জিজির—শুজল। গিদ্বধড়—শূণ্য। জোরবার—ক্ষত-বিফত।  
কঙ্কশ-দিল—কৃপণ মন। হাতিয়ার—অস্ত্র। বিয়াবান—মরুভূমি।

আনোয়ার! আনোয়ার!  
যে বলে সে মুসলিম—জিত ধরে টানো তার!  
বেইমান জানে শুধু জানটা বাঁচানো সার!  
আনোয়ার! ধিক্কার!  
কাঁধে কুলি ভিক্কার—  
তলওয়ারে শুরু যার স্বাধীনতা শিক্কার!  
যারা ছিল দুর্দম আজ তারা দিক্কার!  
আনোয়ার! ধিক্কার!

আনোয়ার! আনোয়ার!  
দুনিয়াটা খুনিয়ার, তবে কেন মানো আর  
কর্ধরের লোহু আঁবি!—শয়তানী জানো সার!  
আনোয়ার! পঞ্জায়  
বৃথা লোকে সমঝায়,  
ব্যথাহস্ত বিদ্রোহী দিল নাচে ঝঞ্জায়,  
খুন-বৈশো তলওয়ার আজ শুধু রণ চায়,  
আনোয়ার! পঞ্জায়!

আনোয়ার! আনোয়ার!  
পাশা তুমি নাশা হও মুসলিম জানোয়ার,  
ঘরে যত দুশ্মন, পরে কেন হানো মার!  
আনোয়ার! এস ভাই!  
আজ সব শেষ-ও যাই!  
ইসলামও ভুবে গেল, মুক্ত স্বদেশও নাই!—  
তেগ আজি বরিয়াছি ভিখারীর বেশও ভাই!  
আনোয়ার! এসো ভাই!!

দিক্কার—জিত-বিরক্ত। তেগ—তলোয়ার।

[সহসা কাফ্রী সাত্ত্বীর ভীম চ্যালেক্স প্রলয়-ডম্বরুধরনির মত হুঙ্কার দিয়া উঠিল "এয় নৌজওয়ান, হুসিয়াত!" অধীর কোঙে তিক্ত রোষে তরুণের দেহের রক্ত টপুণ করিয়া ফুটিয়া উঠিল। তাহার কটিদেশের, গর্দানের পায়ের শৃঙ্খল খান খান হইয়া টুটিয়া গেল, ওধু হাতের শৃঙ্খল টুটিল না! সে সিংহ-শাবকের মত গর্জন করিয়া উঠিল—

এয় খোদা! এয় আলী! লাও মেরী তলোয়ার!

[সহসা তাহার ক্রান্ত আঁখির চাওয়ায় তরুণের বন্দিনী মাতৃ-মূর্তি ভাসিয়া উঠিল। ঐ মাতৃমূর্তির পার্শ্বেই তাহার মায়েরও শৃঙ্খলিতা তিখারিণী বেশ। তাহাদের দুইজনেরই চোখের কোণে দুই বিন্দু করিয়া কণক অশ্রু। অতিমানী পুত্র অন্যদিকে মুখ ফিরাইয়া লইয়া কানিয়া উঠিল—]

ও কে? ওকে ছল আর?

না—মা, মরা জানকে এ মিছে তরুসানো আর।

আনোয়ার!! আনোয়ার!!

[কপুরুষ প্রহরীর ভীম প্রহরণ বিন্দি বন্দি তরুণ সেনানীর পৃষ্ঠের উপর পড়িল। অন্ধ কারাগারের বন্ধ রক্তে তাহারই অর্ধে প্রাণধনি গুমরিয়া ফিরিতে লাগিল—]

"আঃ—আঃ—আঃ!"

আজ নিখিল বন্দীগৃহে ঐ মাতৃ-মূর্তি-কামী তরুণেরই অজ্ঞত ফাঁদন ফরিয়াদ করিয়া ফিরিতেছে। যেদিন এ ক্রন্দন থামিবে, সেদিন সে কোন অর্চিন দেশে থাকিয়া গভীর তৃষ্ণির হৃদি হাসিবে জানি না। তখন হয় তো হারা-মা-আমার আমায় "তারার পানে চেয়ে চেয়ে" ডাকিবেন। আমিও হয় তো আবার আসিব। মা কি আমায় তখন নূতন নামে ডাকিবেন? আমার প্রিয়জন কি আমায় নূতন বাহুর ডোরে বাঁধিবে? আমার চোখ জলে ভরিয়া উঠিতেছে, আর কেন যেন মনে হইতেছে—"আসিবে সেদিন আসিবে।"

তরুসানো—দুঃখ দেওয়া।

ফরিয়াদ—appeal, অভিযোগ।

রণ-ভেরী

গ্রীসের বিরুদ্ধে আগ্রহ—তুর্ক-গভর্নমেন্ট যে যুদ্ধ চালাইতেছিলেন, সেই যুদ্ধে কয়েক পাশাও সহায়ের জন্য ভারতবর্ষ হইতে দশ হাজার খেজুরসৈনিক প্রেরণের প্রস্তাব জনিতা লিখিত।

ওরে আয়!

ঐ মহাসিঙ্কুর পার হ'তে ঘন রণ-ভেরী শোনা যায়—

ওরে আয়!

ঐ ইসলাম ডুবে যায়।

যত শহীদান

মারা ময়দান

জুড়ি' খুন তার পিয়ে হুঙ্কার দিয়ে জয়-গানে শোন যায়!

অজে শখ করে' জুতি-টকুরে

তোড়ে শহীদের খুলি দুগ্ধন পায় পায়—

ওরে আয়!

তোর জান যায় যাক, পৌরুষ তোর মান যেন নাহি যায়!

ধরে কাঞ্জার খুঁটি দাপটিয়া ওধু মুসলিম-পঞ্জায়!

তোর মান যায় প্রাণ যায়—

তবে বাজাও বিমাণ, ওড়ান নিশান! বৃথা ভীকু সমঝায়!

রণ দুর্মুদ রণ চায়!

ওরে আয়!

ঐ মহা-সিঙ্কুর পার হ'তে ঘন রণ-ভেরী শোনা যায়!

ওরে আয়!

ঐ ঝন-ঝন-ঝন রণ-ঝন ঝঞ্জেনা শোনা যায়!  
 ওনি এই ঝঞ্জেনা নেবে গঞ্জনা কে রে হায়?  
 ওরে আয়!  
 তোর ভাই মান চোখে চায়,  
 মরি লজ্জায়,  
 ওরে সব যায়

তবু কব্জায় তোর শম্শের নাহি কাঁপে আফসোসে হায়?  
 রণ দুন্দুভি ওনি' খুন-খুবী  
 নাহি নাচে কি রে তোর মরদের ওরে দিলীরের গোন্দায়?  
 ওরে আয়!

মোরা দিলাবার খাঁড়া তলোয়ার হাতে আমাদেরি শোভা পায়  
 তারা জিঞ্জীর, যারা জিঞ্জীর-গলে ভূমি চুমি 'মুরছায়।  
 আরে দূর দূর! যত কুকুর  
 আসি শের-বকরের লাধি মারে ছি ছি ছাতি চ'ড়ে। হাতী  
 ঘা'ল হবে ফেক-যায়!

ঐ ঝন-ঝন-ঝন রণ-ঝন-ঝন ঝঞ্জেনা শোনা যায়!  
 ওরে আয়!

বোলে ত্রিম্ ত্রিম্ তানা ত্রিম্ ত্রিম্ ঘন রণ-কাড়া নাকাড়ায়!  
 ঐ শের-নর হাঁকড়ায়-  
 ওরে আয়!  
 ছোড়্ ঝন-দুখ  
 হোক্ কন্দুক

ঐ বন্দুক তোপ, সন্দুক তোর প'ড়ে থাক্, স্পন্দুক বুক যায়!

শম্শের-তরবারি। ঝন-খুবী-রক্তমাগুতা। দিলীর-সাহসী, মিঠীক। দিলাবার-প্রাণকড়।  
 জিঞ্জীর-শিকল। শের-বকর-সিংহ। শের-নর-পুরুষ-সিংহ। হাঁকড়ায়-গর্জন করিতেছে।

নাচ তাতা খে খে তাতা খে খে।  
 খে তাতব আজ পাণব সম খাণব-দাহ চাই!  
 ওরে আয়!  
 কর কোব্বান আজ তোর জান দিল্ আলার নামে ভাই!  
 ঐ দীন দীনরব আহব বিপুল বসুমতী বোম ছায়!  
 শেল- গর্জন  
 করি' তর্জন  
 হাকে, 'বর্জন নয় অর্জন' আজ শির তোর চায় মা'য়!  
 সব গৌরব যায় যায়;  
 ওরে আয়!  
 বোলে ত্রিম্ ত্রিম্ তানা ত্রিম্ ত্রিম্ ঘন রণ-কাড়া-নাকাড়ায়!  
 ওরে আয়!  
 ঐ কড় কড় বাজে রণ-বাজা, সাজ সাজ রণ-সজ্জায়  
 ওরে আয়!  
 মুখ চাকিবি কি লজ্জায়!  
 হর হরবে!  
 সেই পুর রে যথা খুন-খোশ রোজ খেলে হররোজ দুষ্মন-খুনে ভাই।  
 সেই বীর-দেশে চল বীর বেশে  
 আজ মুক্ত দেশের মুক্তি দিতে রে বন্দীরা ঐ যায়।  
 ওরে আয়!  
 বল 'জয় সত্যম্ পুরুষোত্তম ভীক যারা মার খায়!  
 নারী আমাদেরি ওনি' রণ-ভেরী হাসে বল বল হাত-তালি দিয়ে রণে ধায়!  
 মোরা রণ চাই রণ চাই,  
 তবে বাতাহ দাম্যো, বাধহ আমামা, হাতিয়ার পাঞ্জায়!  
 মোরা সত্য ন্যায়ের সৈনিক, খুন-গৈরিক বাস গায়।

কোব্বান-উৎসর্গ। ঝন-খোশ-রোজ-রক্ত মহাঘনব। হররোজ-প্রতিদিন। আমামা-শিরস্ত্রাণ।



ওরে আয়!  
 ঐ কড়ু কড়ু বাজে রণ-বাজা, সাজ সাজ রণসজ্জায়  
 ওরে আয়!  
 অব- কন্ধের দ্বারে যুদ্ধের হাঁক নকীব ফুকারি' যায়!  
 তোপ্‌ দ্রুম্‌ দ্রুম্‌ গান গায়!  
 ওরে আয়!  
 ঐ ঝনন রণন খঞ্জর-ঘাত পঞ্জরে মূবছায়!  
 হাঁকো হাইদর,  
 নাই নাই ভর,  
 ঐ ভাই তোর ঘুব-চর্বার সম খুন খেয়ে ঘুব খায়!  
 ঝুটা 'দৈত্যেরে নাশি', সত্যেরে  
 দিবি জয়-টীকা তোরা, ভয় নাই ওরে ভয় নাই হত্যায়া!  
 ওরে আয়!  
 মোরা খুন-জোশী বীর, কল্পসী লেখা আমাদের খুনে নাই।  
 দিয়ে সত্য ও ন্যায়ে বাদশাহী, মোরা জালিমের খুন খাই!  
 মোরা দুম্‌দ, ভরপুর মদ  
 খাই ইশকের, ঘাত শমশের ফের নিই বুক নাঙ্গায়!  
 লাল- পল্টন মোরা সাচ্চা,  
 মোরা সৈনিক, মোরা শহীদান বীর বাচ্চা,  
 মরি জালিমের দাঙ্গায়!  
 মোরা অসি বুকো বরি হাসি মুখে মরি জয় স্বাধীনতা গাই!  
 ওরে আয়!  
 ঐ মহা-সিদ্ধুর পার হ'তে ঘন রণ-ভের শোনা যায়!!

নকীব—তুর্ঘ্যবাদক। হাইদর—মহাবীর হযরত আলীর হাঁক। কল্পসী—কৃপগতা। খুন-জোশী—  
 রক্তপাগলামী। ইশকের—শ্রোমের। শহীদান—Martyrs।

### “শাত-ইল-আরব”

শাতিল্ আরব! শাতিল্ আরব!! পূত যুগে যুগে তোমার তীর।  
 শহীদের লোছ, দিলীরের খুন ঢেলেছে যেখানে আরব-বীর।  
 যুঝেছে এখানে তুর্ক-সেনানী,  
 যুনানী মিসরী আরবী কেনানী;—  
 লুটেছে এখানে মুক্ত আজাদ বেদুঈনদের চাঙ্গা শির!  
 নাঙ্গা-শির—  
 শমশের হাতে আস-আখে হেথা মূর্তি দেখেছি বীর-নারীর!  
 শাতিল্ আরব! শাতিল্ আরব!! পূত যুগে যুগে তোমার তীর।  
 ‘কৃত-আমারা’র রক্তে ডরিয়া  
 দজলা এনেছে লোছুর দরিয়া;  
 উগারি সে খুন তোমাতে দজলা নাচে ভৈরব ‘মস্তানী’র বস্তা-নীর  
 গর্জে রক্ত-গঙ্গা ফোরাত,—“শান্তি দিয়েছি গোস্তাখীর।”  
 দজলা-ফোরাত-বাহিনী শাতিল! পূত যুগে যুগে তোমার তীর।  
 বহায়ে তোমার লোহিত বন্যা  
 ইরাক আজমে ক’রেছ ধনা,—  
 বীর-প্রসূ দেশ হ’ল বরণ্যা মরিয়া মরণ মর্দমীর মর্দ বীর

শাতিল্ আরব—আরব দেশের এক নদীর নাম। দিলীর—অসম সাহসী। যুনানী—যুনান দেশের  
 অধিবাসী। মিসরী—মিসরের অধিবাসী। কেনানী—কেনানের অধিবাসী। চাঙ্গা—টুটকা। কৃত-  
 আমারা—কৃতল-আমারা নামক স্থান, যেখানে জেনারেল টাউনসেন্ড বন্দী হন। দজলা—টাইগ্রিস  
 নদী। ফোরাত—ইউফ্রেটিস। মর্দমী—পৌরুষ। ইরাক আজম—মেসোপটেমিয়া।

শাহারায় এরা দুঁকে' মরে তবু পারে না শিকল পদ্ধতির।  
শাতিল্ আরব! শাতিল্ আরব!! পুত্র যুগে যুগে তোমার তীর।

দুঃখমন লোহে ঈর্ষায় নীল  
তব তরঙ্গে করে ঝিল-মিল,

বাকে বাকে রোসে মোচড় খেয়েছে পিষে নীল খুন পিঞ্জরীর! জিন্দা বীর  
'জুল ফিকার' আর 'হায়দরী' হাঁক হেথা আজো হজরত আলীর—  
শাতিল্-আরব! শাতিল্-আরব!! জিন্দা রেখেছে তোমার তীর।

লগাটে তোমার ভাষার টীকা  
বসরা-গুলের বহিতে লিখা;

এ যে বসোরার খুন-খারাবী গো রক্ত-গোলাপ-মঞ্জরীর! খঞ্জরীর  
খঞ্জরে ঝরে খজুর সম হেথা লাথো দেশ-ভক্ত শির!  
শাতিল্-আরব! শাতিল্-আরব!! পুত্র যুগে যুগে তোমার তীর।

ইরাক-বাহিনী! এ যে গো কাহিনী,—  
কে জানিত কবে বঙ্গ-বাহিনী

তোমারও দুঃখে "জননী আমার!" বলিয়া ফেলিবে তও নীর! রক্ত-ফীর—  
পরানীনা! একই ব্যথায় ব্যথিত ঢালিল দু' ফোঁটা ভক্ত-বীর।  
শহীদের দেশ! বিদায়! বিদায়!! এ অভাগা আজ নোয়ায় শির!

জিন্দা-জীবন্ত।

খেয়া-পারের তরবী

যাত্রীরা রান্তিরে হ'তে এল খেয়া পার,  
বহুরি তুর্য্যে এ গজ্জছে কে আবার?  
প্রলয়েরি আহ্বান শ্বনিল কে বিষণে?  
ঝঞ্ঝা ও ঘন দেয়া শ্বনিল রে ঈশানে!

নাচে পাপ-সিন্ধুতে তুঙ্গ তরঙ্গ!  
মৃত্যুর মহনিশা রুদ্র উলঙ্গ!  
নিঃশেষে নিশাচর শ্বাসে মহাবিষে,  
ত্রাসে কাঁপে তরবীর পানী যত নিঃশেষে।

তমাসাবৃত্তা ঘেরা 'সিয়ামত' রাত্রি,  
খেয়া পারে আশা নাই ডুবিল রে যাত্রী—  
দমকি' দমকি' দেয়া হাঁকে কাঁপে দামিনী,  
শিঙ্গার ছন্দারে থর থর যামিনী!

লজি এ সিন্ধুরে প্রলয়ের নৃত্যে  
ওগো কার তরী ধায় নিতীক চিত্তে—  
'অবহেলি' জলধির ভৈরব গজ্জন  
প্রলয়ের উদ্ধার ওদ্ধার তর্জ্জন!

পুণ্য-পথের এ যে যাত্রীরা নিঃশাপ,  
ধর্মেরি বর্ষে সু-রক্ষিত দিল সাফ!  
নহে এরা শঙ্কিত বহু নিপাতেও;  
কাজরী আহমদ, তরী ভরা পাথেয়!  
আবুবকর উদ্দাম ওমর আলী হায়দর  
দাঁড়ী যে এ তরবীর, নাই ওরে নাই ডর!  
কাথরী এ তরীর পাকা মাঝি মাল্লা,  
দাঁড়ী-মুখে সারি গান-লা শারীক আল্লাহ!

'শাফায়ত'-পাল-বাধা তরবীর মাস্তুল,  
'জান্নত' হ'তে ফেলে ছরী রাশ রাশ ফুল।  
শিরে নত স্নেহ-আবি মঙ্গল-দাত্রী,  
গাও জোরে সারি গান-ওপারের যাত্রী!

বৃথা আসে প্রলয়ের সিঁদু ও দেয়া-ভার,  
ঐ হ'ল পুণ্যের যাত্রীরা খেয়া পার!

আহমদ-মোহাম্মদ (৯); লা শরিক আল্লাহ-ঈশ্বর তিন অন্য কেহ উপাস্য নাই; জান্নত-স্বর্গ;  
শাফায়ত-পরিগ্রহণ।

### কোরবানী

ওরে হত্যা নয় আজ 'সত্যাত্তাহ' শক্তির উদ্বোধন!  
দুর্কল! ভীক! চূপ রহো, ওহো খামখা ফুক মন!

ধনি উঠে রণি' দূর বাণীর,  
আজিকার এ খুন কোরবানীর!

দুখা-শির রুম-বাসীর

শহীদের শির সেরা আজি।-রহমান কি রাম্ভ নন?

ব্যাস! চূপ খামোশ রোদিন!

আজ শোর ওঠে জের "খুন দে, জান দে, শির দে বৎস" শোন!

ওরে হত্যা নয় আজ 'সত্যাত্তাহ' শক্তির উদ্বোধন!

ওরে হত্যা নয় আজ 'সত্যাত্তাহ' শক্তির উদ্বোধন!

খঞ্জর মারো গর্দানেই,

পঞ্জরে আজি দরদ নেই,

মর্দানী'ই পর্দা নেই,

ডরতা নেই আজ খুন-খারাবীতে রক্ত-লুক মন!

খুনে খেলবো খুন-মাতন!

দুনো উনমাদনাতে সত্য মুক্তি আনতে যুকবো বণ।

ওরে হত্যা নয় আজ 'সত্যাত্তাহ' শক্তির উদ্বোধন!

ওরে হত্যা নয় আজ 'সত্যাত্তাহ' শক্তির উদ্বোধন!

চ'ড়েছে খুন আজ খুনিয়ারার

মুসলিমে সারা দুনিয়াটার!

রহমান-করণাময়; খামোশ-নীরব; গর্দানে-ফুক্কে।

'জুলফেকার' খুলাবে তার  
 দু'ধারী ধার শেরে-খোদার, রক্তে-পূত-বদন!  
 খুনে আজকে রুধ্বো মন  
 ওরে শক্তি-হস্তে মুক্তি, শক্তি রক্তে সূত্র শোন।  
 ওরে হত্যা নয় আজ 'সত্যগ্রহ' শক্তির উদ্বোধন!

ওরে হত্যা নয় আজ 'সত্যগ্রহ' শক্তির উদ্বোধন!  
 আক্তানা সিধা রাস্তা নয়,  
 'আজাদী মেলে না পত্তানো'য়!  
 দস্তা নয় সে সত্তা নয়!  
 হত্যা নয় কি মৃত্যুও? তবে রক্ত-দুধ কোন  
 কাদে-শক্তি-দুহু শোন--  
 "এয় ইব্রাহীম আজ কোরবানী কর শ্রেষ্ঠ পুত্র ধন!"  
 ওরে হত্যা নয় আজ 'সত্যগ্রহ' শক্তির উদ্বোধন!

ওরে হত্যা নয় আজ 'সত্যগ্রহ' শক্তির উদ্বোধন!  
 এ তো নাই লোহ ভরবারের  
 ঘাতক জালিম জোরবারের!  
 কোরবানের জোরজানের  
 খুন এ যে, এতে গোদর্দ ঢের রে, এ ত্যাগে 'বুদ্ধ' মন!  
 এতে মা রাখে পুত্র পণ!  
 তাই জননী হাজেরা বেটারে পরা'লো বলির পূত বসন!  
 ওরে হত্যা নয় আজ 'সত্যগ্রহ' শক্তির উদ্বোধন!

জুলফেকার-মহাবীর হজরত আলীর বিন্দুত্রাস ভরবারী। শেরে-খোদা-খোদার সিংহ; হজরত আলীকে এই পৌরবানিত নামে অভিহিত করা হয়। জোরবার-বলদুগ। জোরজান-মহাপ্রাণ। আজাদী-মুক্তি। ইব্রাহিম-Abraham। হাজেরা-হজরত-ইব্রাহিমের স্ত্রী। আক্লা-বাবা। আরশ-খোদার সিংহাসন। কিয়ামত-মহাপ্রলয়ের দিন।

ওরে হত্যা নয় আজ 'সত্যগ্রহ' শক্তির উদ্বোধন!  
 এই দিনই 'মীনা'-ময়দানে  
 পুত্র-স্নেহের গর্দানে  
 ছুরি হেনে 'খুন' করিয়ে নে'  
 রেখেছে আক্লা ইব্রাহীম সে আপনা রক্ত পণ!  
 ছি ছি! কেপো না ক্ষুদ্র মন!  
 আজ জল্লাদ নয়, প্রহ্লাদ-সম মোল্লা খুন-বদন!  
 ওরে হত্যা নয় আজ 'সত্যগ্রহ' শক্তির উদ্বোধন!

ওরে হত্যা নয় আজ 'সত্যগ্রহ' শক্তির উদ্বোধন!  
 দ্যাখ কেপেছে 'আরশ' আসমানে,  
 মন-খুনী কি রে রাশ মানে?  
 হোস প্রাণে? তবে রাস্তা নে!  
 প্রলয়-বিষাণ 'কিয়ামতে' তবে বাজবে কোন বোধন?  
 সে কি সৃষ্টি-সংশোধন?  
 ওরে তাথিয়া তাথিয়া নাচে ভৈরব বাজে উমরু শোন!-  
 ওরে হত্যা নয় আজ 'সত্যগ্রহ' শক্তির উদ্বোধন!

ওরে হত্যা নয় আজ 'সত্যগ্রহ' শক্তির উদ্বোধন!  
 মুসলিম-রণ-ডঙ্কা সে,  
 খুন দেখে করে শঙ্কা কে?  
 টঙ্কারে অসি বন্ধারে,  
 ওরে হুদ্বারে, ভক্তি গড়া ভীম কারা, ল'ড়বো রণ-মরণ!  
 চালে বাজবে বান-বানন!

ওরে সত্য মুক্তি স্বাধীনতা দেবে এই সে খুন-মোচন!  
 ওরে হত্যা নয় আজ 'সত্যগ্রহ' শক্তির উদ্বোধন!  
 ওরে হত্যা নয় আজ 'সত্যগ্রহ' শক্তির উদ্বোধন!  
 জোর চাই, আর যাচনা নয়,

কোরবানী-দিন আজ না ওই?

বাজনা কই? সাজনা কই?

কাজ না আজিকে জান মাল দিয়ে মুক্তির উর্ধ্বরণ?

বল--“যুববো জান তি পণ!”

ঐ  
আজ  
ওরে  
খুনের খুটিতে কল্যাণ-কেতু, লক্ষ্য ঐ তোরণ,  
আল্লার নামে জান কোরবানে সৈদের পূত বোধন।  
হত্যা নয় আজ ‘সত্যার্থহ’ শক্তির উদ্‌বোধন!

bi

### মোহররম

নীল সিয়া আস্‌মান, লালে লাল দুনিয়া।--  
“আম্মা! লাল তেরি খুন কিয়া খুনিয়া।”  
কাদে কোন ক্রন্দনী কারবালা ফেরাতে,  
সে কাদনে আসু আনে সীমারেরও ছোরাতে!  
রক্ত মাতম ওঠে দুনিয়া-দামেশকে--  
“জয়নাতে পরালো এ খুনিয়ারা বেশ কে?”  
‘হায় হায় হোসেনা, ওঠে রোল বাঞ্জায়,  
তলওয়ার কেঁপে ওঠে এজিদেবো পঞ্জায়!  
উনমাদ দুলদুল ছুটে ফেরে মদিনায়,  
আলি-জাদা হোসেনের দেখা হোথা যদি পায়।  
মা ফাতেমা আসমানে কাদে খুলি’ কেশপাশ,  
বেটাদের লাশ নিয়ে বধুদের শ্বেত বাস!  
রণে যায় কাসিম ঐ দু’ঘড়ির নওশা,  
মেহেদীর রঙটুকু মুছে গেল সহসা!  
‘হায় হায়’ কাদে বায় পূরবী ও দখিনা-  
কহণ পইচি খুলে ফেল সকীনা!’

আম্মা-মা। মাতম-হাছা ক্রন্দন। লাল-জাদু। দুনিয়া-দামেশকে-দামেশকরণ দুনিয়ায়।  
এজিদ-হোসেনের প্রতিদ্বন্দ্বী রাজা। দুলদুল-ইমাম হোসেনের খোভার নাম। কাসিম-ইমাম  
হাসানের পুত্র, ইমাম হোসেনের জামাতা, সকীনার স্বামী। নওশা-এর। সীমার-হোসেনের  
হত্যাকারী।

কাদে কে রে কোলে ক'রে কাসিমের কাটা-শির?  
 খান খান খুন হ'য়ে ক্ষরে বুক-ফাটা নীর!  
 কেঁদে গেছে গামি' হেথা মৃত্যুও রক্ত,  
 বিশ্বের ব্যথা যেন বাসিকা এ ক্ষুদ্র!  
 গড়াগড়ি দিয়ে কাদে কচি মেয়ে ফাতিমা,  
 "আম্মা গো পানি দাও ফেটে গেল ছাতি মা!"  
 নিয়ে তৃষা শাহারার দুনিয়ার হাহাকার,  
 কারবালা-প্রান্তরে কাদে বাছা আহা কার!  
 দুই হাত কাটা তবু শের-নর আকবাস,  
 পানি আনে মুখে, হাঁকে দুশমনও সাকবাস!  
 দ্রিম্ দ্রিম্ বাজে ঘন দুন্দুভি দামামা,  
 হাঁকে বীর শির দেগা, নেহি দেগা আমামা!"  
 কলিজা কাবাব-সম ভূনে মফ-রোঙ্গুর,  
 ঝা ঝা করে কারবালা, হাই পানি খজুর,  
 মা'র স্তনে দুধ নাই, বাচ্চারা তড়পায়,  
 জিত চুষে' কচি জান থাকে করে খড়টায়?  
 দাউ দাউ জুলে শিরে কারবালা ভাঙ্গুর,  
 কাদে বানু—"পানি দাও, মরে জানু আসগর!"  
 পেলো না তো পানি শিশু পিয়ে গেল কাঁচা খুন,  
 ডাকে মাতা,—পানি দেবো ফিরে আয় বাছা ওন!  
 পুত্রহীনার আর বিধবার কাদনে  
 ছিড়ে আনে মর্মের বক্রিশ বাঁধনে!  
 তাবুতে শয্যা: কাদে একা জয়নাল,  
 "দাদা! তেরি ঘর কিয়া বরবাদ পয়মাল!"

ফাতেমা—ইমাম হোসেনের ছোট মেয়ে। আমামা—শিরজ্ঞান। বানু—আসগরের মাতা।  
 আসগর—ইমাম হোসেনের শিশু পুত্র। বরবাদ—নষ্ট। পয়মাল—জন্মে। জয়নাল—হোসেনের পুত্র।

হাহিদরী-হাঁক হাঁকি দুশদুল-আসওয়ার  
 শমশের চমকায় দুশমনে ত্রাসবার।  
 খ'সে পড়ে হাত হ'তে শত্রুর তরবার,  
 ভাসে চোখে কিয়ামতে আঁচুর দরবার।  
 নিরশেষ দুশমন; ও কে রণ-শ্রান্ত  
 ফোরাতির নীরে নেমে মুছে আঁধি-প্রান্ত?  
 কোথা বাবা আসগর? শোকে বুক কাঁবারা  
 পানি দেখে হোসেনের ফেটে যায় পাঁজরা!  
 ধুঁকে ম'লো আহা তবু পানি এক কাথরা  
 দেয় নি রে বাছাদের মুখে কমজাতরা!  
 অঞ্জলি হ'তে পানি প'ড়ে গেল বর স্বর,  
 লুটে ভূমে মহাবাহু খঞ্জর-জঙ্কর!  
 হলকুমে হানে তেগ ও কে ব'সে ছাতিতে?  
 আফতাব চেয়ে নিল আধারিয়া রাতিতে!  
 আসমান ভ'রে গেল পোখুলিতে দুপরে,  
 লাল নীল খুন ঝরে কুফরের উপরে!  
 বেটাদের লোছ-রাঙা পিরহাপ হতে, আহ—  
 'আরশের' পায়্যা ধ'রে কাদে মাতা ফাতেমা,  
 "এহু খোদা বদলাতে বেটাদের রক্তের  
 মার্জনা করে গোনা পাপী কম্বখতের।"  
 কত মোহররম এলো, গেল চ'লে বহু কাল—  
 ভুলি নি গো আজো সেই শহীদের লোছ লাল।  
 মুসলিম! তোরা আজ 'জয়নাল আবেদীন',  
 'ওয়া হোসেনা—ওয়া হোসেনা' কেঁদে তাই যাবে দিন!  
 ফিরে এলো আজ সেই মোহররম মাহিনা,—  
 ত্যাগ চাই, মর্সিয়া-ক্রন্দন চাই না।

দুশদুল-আসওয়ার—'দুশদুল' খোড়ার সওয়ার হোসেন। কমজাতরা—নীচ-মনাপণ। এক কাথরা—  
 এক বাদু। হলকুমে—কণ্ঠ। তেগ—তরবারী। আফতাব—সূর্য। কম্বখত—হতভাগ্য।

উষ্ণীষ কোরানের, হাতে তেগ আরবীর,  
দুনিয়াতে নত নয় মুসলিম কারো শির,—  
তবে শোন ঐ শোন বাজে কোথা দামামা,  
শমশের হাতে নাও বাঁধো শিরে আমামা!  
বেজেছে নাকাদা, হাঁকে নকীবের তুর্য,  
হুঁশিয়ার ইসলাম ভুবে তব সূর্য্য!  
জাগো, ওঠো মুসলিম, হাঁকো হাইদরী হাঁক।  
শহীদের দিনে সব লালে-লাল হ'য়ে যাক!  
নওশার সাজে সাজ নাও খুন-খচা আস্তীন,  
ময়দানে লুটাতো রে লাশ এই খাস দিন!  
হাসানের মত পিব পিয়াল সে জহরের,  
হোসেনের মত নিব বৃকে ছুরি কহরের;  
আস্গর সম দিব বাচারে কোরবান,  
জালিমের দাদ দেবে দেবো আজ গোর জান!  
সকীনার শ্বেত বাস দেবো মাত; কন্যায়,  
কাসিমের মত দেবে: জান রুধি অন্যায়ে।  
মোহররম! কারবলায় কাদে "হায় হোসেনা!"  
দেখো মরু-সূর্য্যে এ খুন যেন শোষে না!

মর্সিয়া—শোক-গীতি। শমশের—তরবারি। জহর—বিষ। কহর—অভিশাপ। দাদ—প্রতিশোধ।  
নকীব—তুর্য্যবাদক।

সমাপ্ত